



Press Release No. 18/112  
FOR IMMEDIATE RELEASE  
March 28, 2018

International Monetary Fund  
Washington, D.C. 20431 USA

## ԱՄՆ Հայաստան կատարած այցի եզրափակիչ հայտարարություն

Առաքելությունների այցը եզրափակող մամուլ հաղորդագրությունները ներառում են ԱՄՆ աշխատակազմի թիմերի՝ երկիր կատարած այցից հետո նախնական եզրահանգումների մասին հայտարարությունները: Սույն հայտարարության մեջ արտահայտված տեսակետները ԱՄՆ աշխատակազմին են և պարտադիր չէ, որ ներկայացնեն ԱՄՆ գործադիր խորհրդի տեսակետները:

- ԱՄՆ թիմը ողջունում է բարեփոխումների համապարփակ օրակարգ իրականացնելու կառավարության մտադրությունը, որին օժանդակում է 2017-2022 թվականների զարգացման ծրագիրը:
- Առաջընթաց է գրանցվել Հայաստանի քաղաքականության առաջնահերթությունների սահմանման ուղղությամբ: Առաջիկա ամիսներին կշարունակվեն ԱՄՆ թիմի հետ քննարկումները:

Արժույթի միջազգային հիմնադրամի (ԱՄՀ) աշխատակազմի թիմը՝ պրն. Հոսեյն Սամիի ղեկավարությամբ, մարտի 14-28-ի ընթացքում այցելեց Երևան՝ Հայաստանի հետ ԱՄՀ հնարավոր նոր ծրագրի շուրջ նախնական քննարկումներ անցկացնելու նպատակով: Այցի ավարտին պրն. Սամիին հրապարակեց հետևյալ հայտարարությունը.

«Աշխատակազմի թիմը ողջունում է համապարփակ բարեփոխումների օրակարգ իրականացնելու կառավարության մտադրությունը, որին օժանդակում է 2017-22 թթ. զարգացման ծրագիրը: Օրակարգը համապատասխանաբար նպատակադրում է ավելի բարձր և ավելի ներառական աճի խթանումը: ԱՄՀ-ի օժանդակությամբ հնարավոր նոր ծրագիրը կօգնի կառավարությանը՝ իրագործելու միջին եկամտով դիվերսիֆիկացված տնտեսություն դառնալու Հայաստանի տեսլականը:

«Մենք արդյունավետ քննարկումներ անցկացրեցինք 2018 թ. մնացած ժամանակահատվածում և միջնաժամկետ հեռանկարում քաղաքականությունների և գործողությունների վերաբերյալ: Լավ առաջընթաց է գրանցվել բարեփոխումների առաջնահերթությունները և քաղաքականությունները բնորոշելու ուղղությամբ՝ մակրոտնտեսական և հարկաբյուջետային կայունության պահպանման համար: Քննարկումները կշարունակվեն առաջիկա ամիսներին:

«Այցի ընթացքում թիմը հանդիպել է վարչապետ Կարեն Կարապետյանի, փոխվարչապետ Վաչե Գաբրիելյանի, Ֆինանսների նախարար Վարդան Արամյանի, Կենտրոնական բանկի նախագահ Արթուր Զավաղյանի, Տնտեսական զարգացման և ներդրումների նախարար Սուրեն Կարայանի, Պետական եկամուտների կոմիտեի նախագահ Վարդան Հարությունյանի, ինչպես նաև այլ բարձրաստիճան պետական պաշտոնյաների, քաղաքացիական հասարակության, մասնավոր հատվածի և միջազգային համայնքի ներկայացուցիչների հետ: Թիմը շնորհակալություն է հայտնում իշխանություններին՝ համագործակցության և հյուրընկալության համար»: